

12-

[illegible]

170. De Katt
64 mroly

in q[uod] p[ro]p[ri]e h[ab]et de c[on]suetudine
 amb[rosii] v[er]magis op[er]a p[er]
 h[ab]et t[er]m[in]os p[er] q[uod] p[er] h[ab]et
 mag[is] am[er]ic[us] in v[er]m[in]a
 h[ab]et am[er]ic[us] in v[er]m[in]a

LES

VOEVX DES

Princes, aux pieds
du Roy.

OU LES PROMESSES PAR
*eux faictes à sa Majesté au Chasteau du
Bois de Vincenne.*



A PARIS.

Chez Ioseph Guerreau, demeurant deuant la
grand porte du Pallais, pres saint Bar-
thelemy, au Chapeau Royal.

1617.

Avec Privilege du Roy.

2
LES VOEVX DES PRINCES
aux pieds du Roy



Rand Roy , iadis en la ville de Rome il y auoit vn Temple nommé Pantheon, ou les Images de tous les Dieux de l'antiquité estoient colloquees selon l'ordre de leur dignité & de leur excellence, dans l'enclos de vostre Royaume, dans le pourpris & le sejour de ce qui est de plus exquis, Il s'y voit vn autre Pantheō, ou non des images de dieux imaginaires sont en ordre, mais des portraicts viuifiez de Princes valeureux & magnanimes, qui comme Anges tutelaires de vostre estat viennent aux pieds de vostre Majesté, pour faire preuve de l'intégrité de leurs actions & de l'effect de leurs seruices. Et ce n'est point sans cause, ny sans deuoir : car pour la cause ainsi que l'Eliotrope ne peut viure en sa splendeur & en son lustre qu'il ne soit fauorisé des rayons du grand Astre cœleste, ainsi les Princes legitimes ne peuuent viure heureusement qu'ils ne soyent illuminez de la presence de leur Roy: pour ce qui est du debvoir & de l'obligation, vn Prince sans Roy, (s'il n'est souuerain dessus ses terres) c'est vn corps sans ame, vn neant, vne bluette, bref vn prodige entre les hommes subiet à toutes sortes de naufrage. Aussi ce seroit alterer son grade & sa condition, & se vouër du tour à l'inconstance, que de quitter ce qui touche de plus pres pour le preferer à l'incertain, ce seroit bannir le remors de sa con-

science & suiure les façons de faire des barbares, qui de tout temps ont guidé leurs appetits au desaduantage de la fidelité. C'est sur quoy se fonda le grand Legislaus pour quitter la gloire des conquestes qu'il auoit faites en Asie afin de retourner en son pays, & de luy tesmoigner l'affection que la nature luy auoit fait naistre: C'est ce qui le meut de s'engager à mille & mille rencontres de l'infortune, sans qu'il fut ébranlé d'autre occasion que du deuoir à la patrie. Aussi l'ame d'un braue & d'un genereux croit triompher plus de fois en son infortune recognoissant la protection de son souuerain & le repos de ses compatriotes, que s'il se voyoit releué superbement sur les hauts monts de la felicité, ayant pour obiect à ses imaginations le trouble & la confusion.

Pompee qui par ses prouesses cōquist à bon droit le nom de grand sert d'exemple à ce subiect: car encorés qu'il eust reduit sous son obeissance la plus grãd'partie de l'vniuers, si est ce qu'il n'estima jamais auoir fait vn acte de remarque & digne de loüange, iusques à ce que l'industrie de sa milice en eut acreu l'estenduë de son pays. Ce que Cæsar practiqua avec tant de bonne volunté que tout ce qu'il executa iamaïs, tant contre les Gaulois, Cimbres & autres nations ne visoit à autre but que pour reduire le tout sous l'obeissance du peuple Romain: bref entre tous les plus vaillās & redoutez de l'antiquité qui se sont delectez d'acquérir de la gloire par les armes, leur intention a esté tousiours suiue de ioindre leur lauriers & leurs triomphes à l'enrichissement de la chose publique, preiugeant que s'ils laissoient à la posterité quelque marque de leurs bien faits, qu'ils seroient

enroolez sur les Catalogues & Calandriers, ainsi que l'on auoit accoustumé de faire à Rome pour ceux qui ne s'estoient point esparnez à procurer le bien public. Grand Roy, les faits & les gestes de ces braves Capitaines sont autant d'exemples pour aiguillonner vos Princes & subiets à ce qu'ils sont portez de leur nature, l'honneur & l'amour que le peuple leur portoit pour l'integrité de leurs actions, leur seront autant de phares & de flambeaux pour les conduire au grand sentier qu'ils recherchèt tous les iours & qui plus est, la valeur de leurs courages fera naistre à l'aduenir tant de dementirs cōtre les partialistes & factieux, qu'avec la iustice de leurs deportements leurs desseins qui sembloient audacieux renporteront à front ouuert le prix & le los de leur merite: Au reste Sire, ce sont des Aigles en grâdeur, des Liōs en courage pour deuorer vos infidelles, & des Agneaux d'humanité pour tesmoigner leur obeissance, & combien que leur esloignement & leurs armes ayent intimidés quelques simples de ce temps, si est ce que le but de leurs intentions n'a iamais visé qu'à l'aduantage & à l'asseurāce de vostre estat: aussi leur bon naturel qui les guidoit ne pouuoit leur permettre aucune entreprise qui les peut faire nommer à iuste cause rebelles à vostre Majesté ny perturbateur du repos public, ioinct d'autre part que tacitement vous les faisiés retenir en leur deuoir, comme ceste pierre d'Aphricque nommé Liparis areste toutes sortes d'yeux par sa beauté incomparable.

Neantmoins quoy que le manteau de leur innocence estoit visible comme le Soleil entre tout les citadins cœlestes, on n'a pas laissé d'emouuoir vostre

Majesté à des soupçons de grand preiudice , & ces Princes d'autre costé qui ne recherchoient dans l'obscur de ceste imagination populaire que la grandeur de vostre Couronne , & la franchise de leur liberté , ne scauroient trouver des moyens plus legitimes pour les exempter de vostre courroux , que la iustification de leurs actions , qui estant bornées de fidelité se sont veues claires & liquides cōme l'Aurore.

Ce seroit donc vn' erreur pour le iourd'huy si l'on tournoit à blasme & à mespris tant de bons offices que les Princes François ont proeuré à l'Estat & à la Couronne : L'entreprendre ce seroit mettre la bride sur le col à ce Cheval indomptable de l'Ame que Platon estimoit estre les effrenees passions qui nous aveuglent , ce seroit comme Empedocle se precipiter dans son desastre , & chercher son tourment perpetuel : ce seroit , dis-je , faire comme vn torient deserré qui se débonde pour ravager éperduëment le calme de nostre repos , Ouy les bons François le croient ainsi , car leurs affections qui sont esgales & bornées comme les poinets de Mathematique ressentent si bien ce qui peut estre de la necessité du temps qu'elles donnent congé à toute autre sorte d'obiects pour s'arrester à vne seule & constante habitude. Aussi puis que rien n'est sorty de ses limites , & que tout suit la piste du debuoir , Il n'est pas besoin de pratiquer les desdaings de ceux qui desirerent nous favoriser en toutes sortes d'ocasiōs si nous ne voulons estre accusez d'ingratitude , & remarquez plus criminels que n'est la source du crime mesme. Telle est mon opinion & ma creance , & pour rien n'y voudrois degenerer , pour complaire

aux appetits de ceux qui sous feinte simulee semblent adorer la conseruation de cest Estat : car il se trouue tant de personages de ceste condition & de ceste volonte, qui sous pretexte de ce qui s'est passe, desireroient esbranler vostre Maiesté à des efforts, dont l'issuë n'en pourroit estre que tragique, pour par ce moyen se faire esleuer aux despens de l'infortune d'autrui : Je crois, Sire, que vostre Maiesté en a peu recognoistre quelques vns par les apparences de leurs infidelitez : car estans venus se ietter à vos pieds les larmes aux yeux, le sospir à la bouche, & au reste dans le cœur l'ambition grosse & enflee, qui ne demandoit que l'heure d'apostumer. Il est impossible que le pinceau de vostre esprit ne les aient crayonné sur le rang d'un souuenir qui ne peut leur rien promettre que le salaire de leur perfidie.

L'on me dira, que ce qui a esmeu ces pauvres simples à donner des aduis à vostre Maiesté suiuant ce qui se passoit entre les Princes, ne procedoit que d'une sincere affection & d'une entiere fidelité : Mais quoy ? comme disoit vn sage de l'Antiquité, *Le conseil d'entreprendre quelque chose est donné de plusieurs, mais quand il s'agit du peril & de l'infortune peu s'approchent de leur aduis, ains les fuient & les esuintent le plus subtilement qui leur est possible.* Neantmoins, Sire, on n'a pas manqué de publier que l'on vouloit deposseder vostre Maiesté de son autorité, que l'on leuoit des troupes pour cest effect, & que peu à peu si l'on n'y donnoit ordre, que vostre Royaume seroit reduit en autant de partages qu'il estoit du temps de nos premiers Rois, & qui plus est, causant de l'alteration

aux opinions de la populace l'on a fait courir vn tel murmure de guerre, de sedition & de clauage, qu'il sembloit que cest Estat ne tint son plus que l'espee de ce Tyran dont il est paré par le Poëte Lyrique.

Que cela soit ou qu'il ayt esté, i n'importe quād à present, si l'on a calomnié, comme il est vray, ce n'est pas d'auourd'huy que l'on pratique cét exercice malin entre les hommes: nos deuanciers en ont frayé la piste & le chemin, & si bien paruenù à ce but desesperé, que par ce moyen diuers desastres ont pris naissance au detrimēt de leurs entrepreneurs. Ce qui se void assez clairement dans l'Histoire Romaine par les conspiration d'vn Sylla, d'vn Brutus, & d'vn Pompee, lesquels pour paruenir à la visée de leurs desseins, ourdissoient les vns contre les autres des trames d'infidelité & au Senat publiquement se representoient leus actions avec tant d'apparences d'animosité, que de là n'en reüssisoient que des assassins ou des érotions populaires tendantes à des guerres ciuilles. Or, s'il est questiō de verifier l'impertinence de hommes par le moien de la calomnie dont ils ont sé comme idolatres, le blasme que Caton d'Vtioue reçeut pour auoir fait le deuoir aux funeraillēs de son frere sert d'exemple suffisant, combien qu'il estima luy estre vne loüange. Si bien que ceste vperce a fait de telle sorte glisser son venin, que l'inuestion & l'industrie des plus zelez à la concordēā de rien seruy que pour luy donner de l'aigreur de plus en plus, comme en la playe inueterēe au plus on y apporte de remede, au plus fait on accroistre la douleur. Mal-heur neantmoins auquel les Princes

souuerains qui sont secondez de la grace diuine doiuent preuoir à leur aduenement pour tenir toutes choses en leur estat & les pruer de combustion. Ce que sçeut fort bien pratiquer le grand Alexandre apres la mort de Philippes de Macedoine son pere pour tenir la Grèce en sa protection, & en chasser les Barbares qui la vuloient vsurper. De maniere, Sire puis que vostre esprit penetre tous les nuages qui se pourroient former pour la mesdisance, & que vostre autorité les peut dissiper, c'est à ce coup que la raison doit estre la guide, ou la puissance d'un costé, & le respect de l'autre seront conduits pour faire hommage à la paix & à la tranquillité.

Tel est, SIRE, le desir de tous vos Princes, ne souhaitant rien moins que les fatigues plus defatiguantes que necessaires. Vostre Maiesté en voit les preuues, & de tesmoignage plus certain la continue de leurs presences y seruir du tout aussi s'asseurent-ils tant en vostre debonnaité, qu'ils n'auront iamais d'autre subiect que d'agir & d'exécuter en qualité de vos tres-humbles.

D. P.

Extraict du Priuilege du Roy.

PAR lettres patentes du Roy, il est permis à JOSEPH GUERREAU, Imprimeur & Libraire à Paris, d'imprimer & mettre en vente vn liure intitulé, *Les vœux des Princes aux pieds du Roy*. Avec inhibitions & defenses à tous autres d'imprimer ou faire imprimer, vendre ou distribuer ledit liure, sinon du consentement dudit Guerreau, & ce durant le terme de deux ans, sur peine de confiscation, comme plus ample-ment est contenu & déclaré esdites lettres, car tel est nostre plaisir. Donné à Paris le 9. iour de May 1617. Et de nostre royaume le septiesme. Par le Conseil, Signé. PERREAU.

[illegible]

DC 123, 3. P36 no 209

